

Siguri

Nga sherri për parking te kërcënimi me armë – Policia i bie në gjurmë veturës, gjen revolen dhe zbulon telashe edhe me targat



Sinjali.com

23 Gusht 2026 10:47



Një mosmarrëveshje krejt e zakonshme për parkimin e një veture në Banjë të Malishevës dyshohet se ka marrë një kthesë serioze, pasi njëri prej personave të përfshirë raportohet se ka kanosur tjetrin me armë.

Por ndërhyrja e Policisë ka nxjerrë në pah edhe më shumë se kaq.

Sinjali mëson se i dyshuari në këtë rast është **Faik Telaku**, 70 vjeçar, ndërsa viktimë B. Samadraxha, 47 vjeçar.

Ngjarja ka ndodhur pasditen e 22 gushtit, para lokalit të viktimës në fshatin Banjë të Malishevës.

Sipas informacioneve që ka siguruar Sinjali, mes dy burrave fillimisht ka shpërthyer një zënkë për parkimin e automjetit.

Situata më pas dyshohet se ka eskaluar, kur Telaku e ka kanosur Samadraxhën me armë zjarri.

Rasti është denoncuar menjëherë në Polici dhe patrulla ka nisur veprimet për identifikimin e personit dhe automjetit të përfshirë.

Rreth orës 16:50, policët i kanë rënë në gjurmë veturës.

Gjatë kontrollit të automjetit është gjetur një revole me gaz, e cila është sekuestruar.

Por kontrolli ka sjellë edhe një telash tjetër për të dyshuarin.

Policia ka konstatuar keqpërdorim të targave të automjetit, duke vendosur që, përveç armës, të konfiskohet edhe vetura.

Telaku është shoqëruar në Stacionin Policor në Malishevë, ndërsa për rastin është konsultuar Prokurori i Shtetit.

Me urdhër të Prokurorit janë iniciuar rastet për “Kanosje” dhe “Mbajtje në pronësi, kontroll ose posedim të paautorizuar të armëve”, ndërsa i dyshuari do të procedohet në procedurë të rregullt.

Nga një zënkë për parking, rasti përfundoi me armë të sekuestruar, veturë të konfiskuar dhe dy vepra penale nën hetim.

Shënim: Personat e apostrofuar në këtë artikull prezumohen të pafajshëm derisa fajësia e tyre të mos provohet me vendim të formës së prerë nga gjykata.

Sinjali – aty ku e vërteta flet para lajmit!

/GazetaSinjali/

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtësi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukuri dhe kujdes
Të tjera

OP-ED

Analizë
Kolumne
Intervistë

Jetë

Fitnes
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Automjete
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera